



## يا عليها للذهاب !

مديت شوقي سما وانفاس صدري سحاب  
وبكيت من وحشة الايام وابكيتها  
احيان حتى دموعك من وراها ثواب  
لا صار من خشية الرحمن هليتها  
غريبه الهم قفى عن ضلوعي وغاب  
يا الضيقة اللي اليا غابت تباطيتها  
من هو قدر يطفي بصدري زفير العذاب  
يمكن صلاة بجوف الليل صليتها  
من بعدها كل هم في خفا الروح طاب  
لو إن حفنة جروح الوقت ما احصيتها  
اليا انقل باب .. فك الله مليون باب  
حقيقة مع مرور الوقت حسيتها  
انا اذكر اني وحيد بين ناب وناب  
سكت وحلق بعض الناس سديتها  
عرفت كيف الخطا ينبت مكانه صواب  
يوم الشياطين ترجمني .. وصديتها  
ضماير مابها مخطي من الذنب تاب  
ولا أحد تسمع لذكر الله في بيتها  
يا علها من عقب موت الضماير ذهاب  
ماعاد يفرق معاي الحي من ميتها

سعد المطلق

## كسر العظام

ما احتاج منك كلام احتاج منك اهتمام  
حالاته الحب في صدقه وعفويته  
لو ازهرت في ثرى سمعي غصون الكلام  
دون اهتمام وموده كئنها ميتة  
نظره وبسمه تكفي عن كلام الأنام  
اللي يبين غلا قلبك وحنينته  
لو ان كسر الخواطر مثل كسر العظام  
كلن جبر خاطره واقفى على نيته  
لكن علي السلام ولا عليك الملام  
يستاهل الجرح من يرضى بماريته  
وليا انكر الغصن لأوراقه وطار الحمام  
ماعاد يغريه لا لونه ولا فيته  
والله لو اني صحاري وانت وصلك غمام  
ماني شقوق على شوفه ولا جيته  
اللي حطبي بفاسه ما تركني حطام  
اشعل هشيم الضلوع بنار وحشيته  
ابسأله بعد هذا كيف عينه تنام  
ماكل من هو طليق يعيش حريته  
اهل القصور اتمنى راحة اهل الخيام  
والفقر ملعون لا من سل جنبيته  
يا صاحبي صاحبك لو طال فيه المقام  
على دروب الوصال وخط مرثيته  
غلاك ما مرفي صدره مرور الكرام  
لكن خطاك ايتصادم مع مثاليته  
لك غصن تقدير في صدره وعذق إحترام  
ما ينكر العهد لو ان الضمى بيته  
وان كنت تحسب على ضعفه يجيك انهزام  
والله ليتعبك ماشفت انهزاميته  
ابشرك تنبض احلامه وحواله تمام  
لو ميسم البعد من يقوى على كيته  
وليا سمعت بخبر موته وعفت المنام  
الله يعينك على فقده قبل ديته

عطالله ممدوح